



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Contra impedientes & turbantes celebrationes sanctorum Synodorum. 14

**urn:nbn:de:hbz:466:1-14298**

*Pena  
Laici, tra-  
bentis Cle-  
ricum  
ad forum  
seculare.*

(quam ferimus in his scriptis) firmiter prohibemus: statuentes, ut, si Laicus Clericum vel Religiosum ad Forum traxerit seculare, idem Laicus omnino cadat à causa; & nihilominus per Ordinarium ipsius excommunicatus denunciet publice usque ad satisfactionem condignam.

Præterea Iudex secularis & Scabini loci, in quo contingit hoc, per Ordinarium ipsius loci moneantur, ut de tali se causa nullatenus intromittant; penitus desistendo & revocando intra triduum, si in aliquo, occasione hujusmodi, in præjudicium iphus Clerici, vel Religiosi est processum. Alioqui ipsi Iudices & Scabini per eundem Ordinarium sine dilatione qualiter excommunicentur, & excommunicati publice usque ad satisfactionem condignam nuncientur. In qua excommunicatione si per quindenam perduraverint, locus ille sit ex tunc Ecclesiastico suppositus interdicto: quod non relaxetur, nisi prius sufficienter sit satisfactum passio injuriam, ac Nobis, & Ecclesiæ. Et judicatum, si quod contra ipsum Clericum & Religiosum est factum, & si quid aliud subsecutum est, sit penitus revocatum.

#### X. Contra Clericos, qui personas Ecclesiasticas, ratione Bonorum suorum, vocant ad judicium seculare.

*Pena  
Clerici.*

**S**I vero Clericus Clericum in foro seculari, suo vel Ecclesiæ vel alterius cuiuscunque nomine, in causam traxerit, causam amittat. Et, si monitus ab Ordinario, in continentia non defiterit, ac intra septem dies non satisficerit in causam tracto, Nobis, & Ecclesiæ competenter; ab Officio vel Beneficio sit suspensus ipso facto, donec satisficerit competenter. Et, si, in suspensione hujusmodi durante, se ingesterit Beneficio vel Officio, ab eodem Ordinario excommunicetur, & excommunicatus publice nuncietur. Et, si in hujusmodi contumacia & excommunicatione per tres septimanas permanferit, ex tunc Beneficio, si quod habet, cum cura vel sine cura, ipso facto sit privatus, & ad idem Beneficium nihilominus inhabilis ad rehabendum existat; si vero Beneficium aliquod non habuerit, sit inhabilis ad habendum. Contra Iudicem vero & Scabinos, qui se de hujusmodi iudicio vel causâ intromiserint, procedatur, sicut superius in proximo Capitulo est expreßum.

#### XI. Contra eos, qui Clericos, occasione quaunque, ad forum seculare traxerint.

**I**Tem damnamus & sub interminatione A-nathematis prohibemus detestabile statutum, immo errorem, à quibusdam Laicis contra libertatem Ecclesiasticam introductum; videlicet ut, si Laicus causam haberet contra

Clericum, vel Ecclesiæ Conventualem seu Monasterium, seu quamcunque aliam domum Religiosam, idemque Clericus vel Ecclesia possessiones vel alia Bona habet in districtu Iudicis secularis, Laicus ipse vel Iudex compellit Clericum vel Ecclesiæ coram seculari Iudicio litigare ratione possessionum vel Bonorum eorundem; & ipse Iudex secularis diem assignat Clerico vel Ecclesiæ ad litigandum coram eo; ad quem si non venerit, sicut nec tenetur, vel, veniens, coram eo noluerit litigare, bonis suis privat eundem, plurimas alias abusiones in his & consimilibus committing: statuimus, in hoc casu idem tam contra actorem, quam judicem & Scabinos, observari, quod diximus de Clerico Clericum trahente ad judicium seculare. &, judicibus ipsis & Scabinis, hujusmodi factum non revocantibus, & alias non satisfacientibus competenter intra biduum post monitionem ab Ordinario faciendam; locus, ubi hoc contingit, Ecclesiastico sit suppositus Interdicto. Quo durante per Quindenam, Superior sive Dominus illius Iudicis & Scabinorum, moneat per Ordinarium, ut tale forefactum procuret revocari, & faciat intra septem dies post ipsam monitionem emendari. Alioqui contra ipsum Superiorum sive Dominum procedatur, prout in statuto contra injectores manuum in Clericos, de Nobilibus & Dominis est expressum.

#### XII. Ut similiter contra occupantes & arrestantes Bona Ecclesiistarum procedatur.

**E**T eodem modo, statuimus, contra occupantes seu seculari iudicio arrestantes Bonam Ecclesiistarum vel Ecclesiasticarum personarum sive Religiosarum, procedi, & idem observari.

#### XIII. Ut Indices Ecclesiastici & Prælati Ecclesiistarum, Laicis, contra Clericos causam habentibus, Iustitiam faciant expeditam.

*In statut.  
Henrici,  
statut. 14.  
Arrestare,  
sonat qui-  
busdam,  
quasi ar-  
repto fune-  
stare fa-  
cere.*

**N**Evero Laici occasione habeant de defectu Iustitiae contra Clericos querulandi; statuimus, sub poena Excommunicationis firmiter præcipientes, ut Prælati seu Ordinarii Clericorum & Ecclesiistarum, Laicis, contra ipsos Clericos vel Ecclesiæ causam habentibus, faciant (cum requisiti fuerint) secundum consuetudinem Capitulorum, si fuerit in Ecclesia Collegiata; & alias de Clericis non existentibus de Collegio, secundum Ius scriptum vel consuetudinariū, Iustitiam expeditam.

#### XIV. Contra impudentes & turbantes celebrationes sanctorum Synodorum.

**S**Tatuimus etiam, ut Prælati & Ordinarii Indices Nostræ Civitatis & Dioecesis, in

H 3 termini-

Synodi  
Prelato-  
rum.

terminis eorum Iurisdictioni subjectis , Synodum suam (qui ad hoc tenentur) obseruent per se vel per alios congruis temporibus , ab ipsis Prelatis , prout expedire viderint , prafigendis ; & , quæ corrigenda vel reformanda occurunt , corrigant & reformat: & omnes in Ecclesia illa & Parochia , in qua Synodus celebranda fuerit , quandocunque eis fuerit denunciata , ad Ecclesiam & Synodum veniant obedienter , & Iura Synodalia observent reverenter ; non obstante aliqua occasione vel consuetudine contraria ; quam corruptelam reputamus , & penitus reprobamus . Soli tamen Nobiles excipiuntur , qui ad nostram Synodum noscuntur specialiter pertinere . Si qui vero Laicorum contra hoc venire præsumperint , & , in hoc , mandato ipsis Prelati sive Ordinarii non obediverint , sententiam excommunicationis ( quam in his scriptis in ipsis ferimus ) ipso facto vel omissione incurvant , & excommunicati singulis diebus Dominicis & Festis per Plebanos eorum & alios , prout hoc Prelato ipsi expedire videbitur , uisque ad satisfactionem condignam , publice nuncientur . Si vero multitudo Parochiaæ fuerit in causa seu in culpa , locus ille , in quo Synodum vel Iura Synodalia impedit contingit , sit , ipso facto , Ecclesiastico suppositus Interdicto : quod non relaxetur , nisi de hoc satisfactionum fuerit competenter . Nobilibus vero , ne hujusmodi Synodos vel Iura Synodalia impediunt , sub pena Excommunicationis latæ sententiæ firmiter prohibemus .

X V. *Vt Prælati Iurisdictione sua libere utantur , in terminis , eorum Iurisdictioni subjectis .*

**S**ed , ne delicta seu commissa subditorum maneant impunita , & ex hoc tribuatur audacia delinquendi ; statuimus , ut Prelati , in terminis , eorum Iurisdictioni subjectis , sua Iurisdictione libere utantur , tam in Correctione , quam in Iudicio & Animadversione , ac aliis , quæ ad hoc videbuntur expedire ; nec in his alter ab altero impediatur , sed juvetur . Et , si aliquæ sententiæ à Prelato in suum subditum propter ipsum excessus prolatæ fuerint , illæ sententiæ ab aliis Prelatis inviolabiliter usque ad satisfactionem condignam obseruentur , & etiam executioni , si opus fuerit , demandentur .

X VI. *Vt Iudices Ecclesiastici fraudem in iudiciis suis non committant .*

**I**tem statuimus , ut judges Ecclesiastici , in iudiciis sive causis , Officium suum (solum Deum & iustitiam pro oculis habentes ) fideliter exequantur : & , si scienter per gratiam vel per sondes aliquam partium in causis contra iustitiam læserint , præter poenas , à jure statutas (quibus subjaceant,) ipso facto incurvant

sententiam excommunicationis , à Nobis latam in his scriptis ; & nihilominus per Superiorum contra eos , si opus fuerit , ad graviora procedatur .

X VII. *Ne judices Ecclesiastici se de causis , ad forum seculare spectantibus , intromittant .*

**S**TATUIMUS & hoc , ut de causis , ad forum seculare spectantibus , Iudices Ecclesiastici se nullatenus intromittant ; sed , quam cito inter litigantes de hoc exceptum fuerit coram ipsis Iudicibus Ecclesiasticis ; & ostensum , sicut de jure fuerit faciendum , causam ad Iudicem secularem remittere non postponant .

X VIII. *Contra impedientes Ecclesiasticorum Iudicium jurisdictionem , & executionem sententiæ .*

**N**E vero Iurisdictionem Iudicium Ecclesiasticorum , sive Ordinarii fuerint sive delegati , à secularibus Iudicibus vel personis impediti , & ex hoc ( sicut à pluribus intentatur ) dissolvi contingat nervum Ecclesiasticae disciplinae : statuimus , ut nullus secularium , sive Nobilis fuerit , sive alter qualisunque , Ecclesiasticorum Iudicium jurisdictionem in citationibus , monitionibus , denunciationibus , executionibus ac aliis modis , quibus Iurisdictione Ecclesiastica exercetur , per se vel per alium impedit aliquatenus vel retardet ; & , qui contra hoc ausu temerario venire præsumperit , & , monitus ab Ordinario vel Delegato , intra septem dies à tempore monitionis factæ non defiterit omnino , nec revocaverit ; si quid in præjudicium præmissorum attentaverit , sententiam Excommunicationis (quam in his scriptis ferimus in hujusmodi præsumptores ) incurrit ipso facto . Quam Excommunicationem si per quindecim sequentes dies contumaciter sustinuerit , ex tunc , si Nobilis aut Dominus est , terra ipsius & districtus , si quem habet , sit , ipso facto , Ecclesiastico suppositus Interdicto : & nihilominus in loco , ubi , faciens impedimentū prædictum vel procurans , domicilium habuerit , cesseret à Divinis , quo usq; impedimentum sit revocatum , & alias legitime satisfactum .

XIX. *Contra eos , qui Clericos , non sine violenta manuum injectione , capiunt & detinent .*

**Q**VIA vero in tantam vesaniam plerumque prorumpit quorundam perversitas perverorum , ut ausu sacrilego Clericos & Ecclesiasticas personas , non sine violenta manuum injectione , damnabiliter capere , & captivos execrabiliter detinere , non formident : statuimus , ut Clericorum captivatores , quicunque fuerint aut cuiuscunque dignitatis aut conditionis ,

Nobiles  
Synodo E-  
piscopali  
subjecti .